



UNIVERSITÄTS-  
BIBLIOTHEK  
PADERBORN

**Francisci Montmorencii E Societate Iesv Cantica Et Idyllia  
Sacra**

**Montmorency, François de**

**Antverpiae, 1638**

Benedictus Dominus Deus. Psal. 143.

---

[urn:nbn:de:hbz:466:1-69423](https://nbn-resolving.org/urn:nbn:de:hbz:466:1-69423)

## PSALMVS CXLIII.

## TITVLVS,

Psalmus Dauid \* aduersus Goliath.

\* *Titulus hic qui in Latinis codicibus legitur, aduersus Goliath, parum quadrat materia Psalmi: itaque nec in plerisque Graecorum libris inuenitur, ut testatur Euthymius.*

**B**enedictus Dominus Deus meus, qui docet manus meas ad praelium, & digitos meos ad bellum.

Misericordia mea, & refugium meum: susceptor meus, & liberator meus. Protector meus, & in ipso speraui: qui subdit populum meum sub me.

Domine

ARGUMENTVM.

Solemne hîc canit Epinicium Rex DAVID ob  
Victorias multiplices Diuinâ sibi virtute  
collatas, redditam Imperio suo Pacem; in  
cuius laudes excurrit, amœnâ & floridâ  
digressionem.

Ad crebras Augustissimi Cæsaris FERDI-  
NANDI SECUNDI Victorias hic Psal-  
mus referri potest.

**O** Ra quæ pridem tibi consecrari,  
In tuas ardent, Deus, ire laudes:  
Et manus, quæ te dociles magistro  
Horrida primùm

Arma tractarunt, modò mitioris  
Ad lyræ dulcem renocantur usum,  
Par tuo (si fas erit) ut reponam  
Carmen honori.

Te canam rerum decus ô mearum,  
O Salus, ô Spes! mihi perduelles  
Sub iugum mittens, minùs obsequentem  
Subdis Idumen:

Nam quòd ignauo Pherezeus arcu  
Abstinet campis; opis illud omne  
Est tua, vultu propior simul me  
Respicis æquo.

L 2.

Qui

\* *Hebraea* Domine quid est homo quia \* innotuisti  
*habēt, quia* ei? aut filius hominis, quia reputas eum?  
*cognoscis*  
*eum. i. cur-*  
*ram eius*  
*habes.*

Homo vanitati similis factus est: dies eius  
 sicut umbra prætereunt.

Domine inclina cælos tuos, & descen-  
 de: tange montes, & fumigabunt.

Fulgura coruscationem, & dissipabis eos:  
 emitte sagittas tuas, & conturbabis eos.

\* *Videtur* Emitte manum tuam de alto, eripe  
*hic Psal-* me, & libera me de aquis multis; de manu  
*mus compo-* \* filiorum alienorum.  
*situs, cum*  
*post multas* Quorum os locutum est vanitatem: &  
*victorias* dextera eorum, dextera iniquitatis.  
*postremam*  
*de Ammo-*  
*nitis refer-*  
*ret; ut opi-*  
*natur Ian-*  
*senius.*

Deus

Qui fit ad paruos ut homunciones  
Tantus accedas Deus; ut fauore,  
Ut tuâ dignos Pater arbitreris  
Optime curâ?

„Vmbra mortales sumus, aut inani  
„Vanus si quid reperitur umbrâ.  
Tu tamen gaudes caput hoc relicto  
Visere celo.

Euge declini mihi lapsus æthrâ,  
Et procellosis Boreæ quadrigis  
Vectus, huc felix ades! huc tonantem  
Dirige currum!

Te super summos equitante montes  
Æstuans fumabit apex Orebi;  
Et coruscanti pluet imbres diros  
Fulmen in hostes.

Brachio, vindex scelerum, rubente  
I Palestinas iaculare turre!  
Barbarus passim tibi terga prado  
Vertex inandax.

Cernis Hebræo Syrus ut colono  
Miles insultet, sua fœderatus  
Arma cui pactis sociavit Ammon  
Nuper iniquis?

Hi tuum bello Dauidem laceffunt,  
More torrentis violenter unda.  
Me, Pater, tutum tua sospitatrix  
Dextera præstet.

Deus canticum nouum cantabo tibi : in psalterio , decachordo psallam tibi.

<sup>a</sup> In textu Hebraeo haec qua de felicitate Pacis dicuntur, tribuuntur populo Dei: unde &

Hieronymus vertit, Ut sint filij nostri sicut nouellae plantationes, &c.

Filiae nostrae, &c. Promptuaria nostra, &c. Quod bene conuenit veteri Testamento, in quo pijs haec bona promittuntur, quae more Prophetico, tamquam iam praesentia Dauid hic describit

Qui das salutem Regibus : qui redemisti Dauid seruum tuum de gladio maligno : eripe me.

Et erue me de manu filiorum alienorum, quorum os locutum est vanitatem : & dextera eorum, dextera iniquitatis.

<sup>a</sup> Quorum filij, sicut nouellae plantationes in iuuentute sua.

Filiae eorum compositae : circumornatae vt <sup>b</sup> similitudo templi.

Promptuaria eorum plena, eructantia ex hoc in illud.

<sup>b</sup> Similitudo templi, id est Idea, quam habuit Rex Dauid: cuius venustati comparat Virgines Sioneas, non alienigenas: nam praeter decorum filiae incircumcisorum templo Dei compararentur.

Oues

*Tunc nouam (si quid mea plectra possunt)*

*Ad tuas Oden modulabor Aras:*

*Teque bis-quinis resonare discent*

*Nabilia chordis.*

*Vt tuâ Reges ope roborentur*

*Ordiam grato memorare cantu;*

*Vtque seruaris Dauidem frequenter*

*Rebus in arctis.*

*Protinus dicam celebres triumphos,*

*Impio raptas & ab hoste palmas:*

*Nec bonæ, quam tu dederis, tacebo*

*Commoda Pacis.*

*Quanta Iudeas, referam, per vrbes*

*Ludat exultim plateis inuentus;*

*Vt frequens proles obeat paternam*

*Vespere mensam.*

*Sic Orontean sata propter undas*

*Laurus immenso sobolescit auctu,*

*Matris & sese sub opaciore*

*Subijcit umbrâ.*

*Enitet tali Solymæa cultu*

*Virgo, dum festa redeunt Calendæ;*

*Qualis arridet, tibi dedicanda*

*Ædis imago.*

*Melle decurrunt, oleoque riuu,*

*Horreum pergunt cumulare messes,*

*Et mero large locuples redundat*

*Cella quadrimo.*

Oues eorum fœtosæ , abundantes in  
egressibus suis ; boues eorum crassæ.

\* Non est interruptio. Non est \* ruina maceriæ , neque transitus,  
neque clamor in plateis eorum.

Non per-  
rumpuntur  
mœnia ma-  
chinis ho-  
stium. Sic  
interpreta-  
tur Abra-  
hamus Es-  
dra hunc  
locum.

Beatum dixerunt populum , cui hæc  
sunt : beatus populus , cuius Dominus Deus  
eius.





*Nec gregem nohnt numerare pastor  
Mane balantes comitatus agnos;  
Et recondendis queritur deesse  
Vimina lanis.*

*Leta per Bethles sata, tollit hinnitum,  
Aptus ad fruges equus euehendas:  
Et boues vincunt grauido capacem  
Ubere mulctram.*

*Non Sioneos furiosa crebris  
Ictibus pulsat, catapulta muros:  
Nec leues rumpunt, inimica nobis  
Classica somnos.*

*Otio felix perhiberis isto;  
Te tamen, Iudæa, beatiorem  
Dixerim longè, quòd habere Numen  
Detur amicum.*

